



UNIVERSITÄTS-
BIBLIOTHEK
PADERBORN

Universitätsbibliothek Paderborn

**R. P. Maximiliani Sandaei E Societate Iesv Doctoris
Theologi Architectvra Christiana**

Sandaeus, Maximilianus

Coloniæ Agrippinæ, 1653

5. Trajani Coclis. Duilli rostrata.

[urn:nbn:de:hbz:466:1-46065](#)

ARTICVLVS V.

COLUMNÆ HISTORICÆ.

*Traiani Coclis.**Duilli Rostrata.*

Voco historicas, in quibus sculpi & effigi solent artificis periti manu, res domi militiaeque cum insigni roboris & constantiae laude gestæ à clarissimis belli Ducibus, & Imperatoribus; quales multæ etiam-num supersunt in diversis orbis terrarum partibus. Unam alteramque adferamus in medium. Fuit olim Romæ Forum Traianum, inter Capitolium, Quirinalem montem, & Augusti forum: erat autem illud Traianum cinctum porticu magnifica, ingentibus Columnis fulta, Apollodoro Architecto, adjunctus erat Arcus triumphalis; quorum hodie ne vestigium quidem extat, apparet tamen, omnium instar, ingens *Columna Coclis*, quæ Traiani dicitur, & Imperatoris majestatem, ac populi Romani magnificentia ostentat. Alta est pedes cxxviii. cum basi verò cxl. lapidibus structa xxiv. tantæ vastitatis, ut opus videatur, non ab hominibus, quales sunt modò, sed à Gigantibus profectum. Singuli lapides gradus octo continent: per hos ascenditur. Lumen præbent fenestellæ xliv. Cælatæ autem sunt in Columnâ per gyrum, res gestæ Cæsaris Traiani bello Dacico, aliisque militaribus expeditionibus. Nihil unquam terrarum admirabilius, nihil magnificentius videri censem Anti-quarii, qui merces suas, supra omnem fidem, ut vendat, solent

solent extollere. Similem usum observo in *Columnis*, quæ hodieque superest Romæ, in palatio conservatorum, & *Rostrata* dicitur, haberque prisci seculi inscriptio-
nem C. Duilli, cui de Carthaginiensibus bello Punico
Victori posita fuit.

AD geminum usum in Domo Sapientiæ, & Ædificio spirituali Virtutum statuitur *Columna Fortitudinis* ab uno latere, & ad alterum *Perseverantia*. Præterquam enim, quod superiorem Domus partem sustollant, ac susten-
tent, sunt Monumenta, in quibus artificiosius, quam in Traianâ, Millium Christi fortissimorum, & invictissi-
morum Imperatorum certamina cælata exhibentur. In his Columnis legetur sculptura, scalptura-ve, aut inci-
sione expressum, quomodo non quidem rabidum Leo-
nem, cum Hercule, aprum-ve immanem superaveris,
aut mactaveris Hydrum septicipitem, sed violentiam in
teipso inclusam, feramque deviceris iracundiam. Quo-
modo non aves sagittis dejeceris, sed cupiditates avidif-
simas, ut rapacissimas volucres, represseris. Quomodo
non Amazonem bellatricem fugaveris, sed pudoris fa-
mæque debellatricem libidinem abegeris. Quomodo
non Regium Augiæ stabulum perpurgaveris, sed virtus
de corde proprio eo pernicioseiora, quo magis domesti-
ca & propria egesseris. Quomodo iram continueris,
omnes animi motus rationi subegeris, cuncta carnis de-
sideria spiritus virtute frenaveris: proprias voluntates
abjeceris contemptis visilibus, ea quæ non videntur,
generoso mentis impetu, appetieris, amaveris, insegu-
tus fueris. Hæc similiaque Christianis Heroibus digna-
facinora in Columnis Fortitudinis & Perseveran-
tiæ, non in aliis leguntur.

(* **)

ARTI-